

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Disputatio Theologica Solennis De Termino Salutis
Humanae Peremptorio**

**Neumann, Johann Georg
Green, Georg Sigismund**

Vitembergae, 1700

I. N. J. [In nomine Jesu]

urn:nbn:de:bsz:31-105555



I. N. J.



Um denuo Ecclesiæ datum sit offendiculum, divulgato in vicina libro, de *Termino peremptorio Salutis humana*; & vero Auctor illius non ex suopte ingenio, sed ex D. Speneri libris, sese inductum in hanc sententiam fuisse, aperte testetur; liceat mihi usurpare illud, quod de Pelagio, ejusdemque seqvacibus scribit Hieronymus: *Ma-*

gistri silentium proferat rabies discipulorum. Quod audiverunt in cubiculis, in ecclesiis predicant, ut, si placuerit auditoribus, quod dixerint, referatur ad gloriam Magistrorum; sin dispicuerit, culpa sit discipuli, non Magistri. Ideo crevit vestra hæresis, & decepistis plurimos, quia semper docetis, semper negatis. T. III. Ep. ad Cresiphont. p. 117. Ut enim, quæ sparsim in Antesignani libris occurrunt, de gratia divina, peccatori, dum vivit, non semper obvia, pridem cordatis observata fuerint, nec obiter notata; tamen, ne forte nodum in scirpo quæsvivisse videremur, quod sæpe nobis objectatum esse constat, transmittere silentio illa satius fuerat, quam rigidius exprobrare. Nunc vero cum proferat ista discipulus, qui in vicinis Ecclesiis, res novas moliri, turbasque & dissensiones concitare cœpit; nostraque de his semel iterumque fuerit expetita sententia; dandum hoc veritatis studio, & mutuo inter nos consensui fuit, ut evolveretur istud argumentum, publicæque censuræ submitteretur. Neque tamen cum auctore scandalosi libelli disceptare animus est; quippe cuius causæ ingemiscimus potius, abreptumque in

hæc præcipitia dolemus : nec, quas tam operose conquirit rationes, istius profecto momenti sunt, ut confutari singulæ mereantur; cum & semetipsas tollant subinde, & propria concidant fragillitate; Quin potius Antesignani expendemus asserta, & hujus potissimum investigabimus mentem; ne vetus illud Sectariorum effugium opponat, deteriores Magistro discipulos fieri, optimeque cogitata in pessimum quandoque sensum detorqveri. Itaque, cum non de re ludicra disceptetur, sed de gratia Dei, ipsaque æterna salute, ad quam votis omnibus adspiramus; id in primis dabimus operam, ut, procul omni contendendi libidine, persequamur negotium, & quoad fieri potest, brevissimè, ipsius rei nervum incidamus. *Benedicat nobis Deus noster, benedicat nobis Dominus noster, suamque nobis gratiam impetietur!*

SECTIO I.

§. I.

Primum omnium de mente Dissidentium constare oportet, ut hinc controversiæ status rectius innotescat, & omnes adeo evitentur ambages. Ipsa loquendi ratio, *de termino peremptorio*, cum nec in Scripturis obvia sit, nec in Ecclesia hætenus audita; ex Jctorum foro, ut apparet, desumpta est, atque ad describendam œconomiam salutis traducta. Primus autem, quod sciam, ad hoc negotium eandem applicuit D. Spenerus, cum explicato *Luc. XIII. v. 7.* ita pergit: Dieses gehöret also unter die Geheimnisse der göttlichen Gerichts-Engley / wie weit oder nahe Gott einem jeden seinen Terminum peremptorium, nach welchem kein weiterer Verzug gegeben werden soll / bestimmet. Bey der ersten Welt vor der Sündfluth warens 120. Jahr / die Gott noch wartete / zu andern Zeiten / magß eben nicht so lange gewehret haben. So wäre